

ДУУНУУД

Бээлэй

(Хүгжэмынь Базыр Цырендашиевой, үгэнь Георгий Дашабыловой)

Хүдэһөөр бээлэй намдаа

Хүгшэн эжым оёо.

Уран даа эжым,

Дулаан даа бээлэйм,

Бээлэйм, бээлэйм, бээлэйм.

Дабталга : Баруун гарайм бээлэй,

Зүүн гарайм бээлэй,

Эжым оёһон бээлэй,

Эгээл дуратай бээлэйм.

Дулаахан бээлэй намдаа

Хүгшэн эжым оёо.

Уран даа эжым,

Дулаан даа бээлэйм,

Бээлэйм, бээлэйм, бээлэйм.

Дабталга. : Баруун гарайм бээлэй,

Зүүн гарайм бээлэй.

Эжым оёһон бээлэй,

Эгээл дуратай бээлэйм.

Аша зээнэрээ дуун.

Альган дээрээ бүүбэйлэн,

Аша зээгээ үргэлсөөт.

Эльгэн дээрээ энхэрэн,

Эды томо болголсоот.

Дабталга: Хүгшэн эжы, хүгшэн аба,

Нагаса эжы, нагаса аба.

Хүгшэн эжы, хүгшэн аба,

Нагаса эжы, нагаса аба.

Эгээл ехэ хүндэтэй,

Энхэ аша буянтай,

Үлзы сагаан үрезэлтэй,

Удхаар сэсэн хургаалтай.

Дабталга.

Сарюун һонор, хүхюунүүд,

Дорюун элүүр, хүнгэнүүд,

Ута наһа эдлыта,

Удаан мантай жаргыта.

Дабталга.

хайхан даа.

Сэсэг соогуур гүйлдөөбди,

Сэнгэн жарган наадаабди.

Сэсэг, сэсэг, сэсэг даа –

Сэсэг гээшэнь хайхан даа. 2 дахин

Хүдөө талаар зайгаабди,

Хөөрхэн даага хараабди.

Дааган, дааган, дааган даа –

Дааган гээшэнь хайхан даа. 2 дахин

Хүбшын наагуур ябаабди

Хүхын дуулахы шагнаабди.

Хүхы, хүхы, хүхы даа –

Хүхын дууниинь хайхан даа. 2 дахин

Гүйлдэн, шууян ошообди,

Гүйхэн горхо оймообди.

Горхон, горхон, горхон даа –

Горхон гээшэнь хайхан даа. 2 дахин

Эжыдээ дуратайб.

Эжыдээ дуратайб,

Эжыдээ баяртайб,

Эжыдээ зорюулан

Дуугаа дууланаб.

Мамадаа дуратайб,

Мамадаа баяртайб,

Мамадаа зорюулан

Дуугаа дууланаб.

Орогты манайда.

-Түг- түг-түг.

-Хэн тоншоноб?

-Би, Шандаган.

-Хэрбээ ши Шандаган юм хаа,

Харуулыш үтэр шэхээ.

-Түг- түг-түг.

-Хэн тоншоноб?

-Би, Хандагай.

-Хэрбээ ши Хандагай юм хаа,

Харуулыш үтэр эбэрээ.

-Түг- түг-түг.

-Хэн тоншоноб?

-Би, Үнэгэн.

-Хэрбээ ши үнэгэн юм хаа,

Харуулыш үнэн сэхээ.

-Түг- түг-түг.

-Хэн тоншоноб?

-Би, халхихан.

-Хэрбээ ши халхихан юм хаа,

халхилыш үүдээ сэлеэд.

Орожо ерыш маанадтаа

Дали жэгүүрээ дэлеэд.

Орожо ерыш маанадтаа

Дали жэгүүрээ дэлеэд.

Аба эжы хоёрни Л.Очиров

Минии бүхэ аба

Минии булын баян.

Минии бэрхэ аба

Минии булын буян.

Аба эжы хоёрни

Алтан минии хүнүүд.

Эжы аба хоёрни

Эльгэн минии нүхэдни.

Манай гоё эжы

Манай булын сэсэг.

Манай бэрхэ эжы

Манай булын хэшэг.

Минии бэрхэ абамни

Минии гоё эжымни.

Эбтэй бүлэ болообди

Энэ дуугаа баряабди.

ТОб- тоб дэбхэрээб

Ооһорхоноо баринхай

Одоо гоё дэбхэрээб.

Тоб, тоб тоборооб,

Тоогүй оло дэбхэрээб.

Толгой хүлθθ тойруулан,

Торон байнгүй собхорооб.

Тоб, тоб тоборооб,

Тоогүй оло дэбхэрээб.

Эршэ хүсөө гээгээгүйб,

Энэбхилхээ мартаагүйб.

Тоб, тоб тоборооб,

Тоогүй оло дэбхэрээб.

Эсэн сусан зогсоогүйб,

Эльгээ барин унаагүйб.

Тоб, тоб тоборооб,

Тоогүй оло дэбхэрээб.

Хоёр гарни түргэн юм,

Хоёр хүлни хүнгэн юм.

Тоб, тоб тоборооб,

Тоогүй оло дэбхэрээб.

Баабгалдай

Баахар, баахар баахаргаа

Баабгай, баабгай баахалдай.

Баахар, баахар, баахаргаа,

Баабгай, баабгай аймшагтай.

Ааляар, ааляар нэрлээ,

Ай даа, баабгай дуулуужан.

Дуугай, дуугай дуулуужан,

Дуулаад гэнтэ ерүүжэн.

Чебурашка болон тэрэнэй нүхэд.

Эдирхэн наһанайм

Эжэлхэн нүхэдүүд

Эрьелдэн сугларыт

Ёохортоо!

Чебу- чебу-

Чебурашка,

Тоомгүйхэн шандаган,

Томоотойхон Винии- Пух!

Ульгэрэйм нүхэдүүд-

Үнэгэн, заряа, шононууд

Үрзэгэр Бармалей,

Айболит!

Таанадгүй, нүхэдни,

Таагүйхэн зүрхэндэм.

Түргэлэн сугларыг

Ёохортоо!